



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XXVI. Indulg. Plen. perp. in Festo S. Joannis a Sancto Facundo.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

XXVI.

Conceditur Indulgentia plen. perp. in Festo Sancti Joannis a S. Facundo Ord. Eremitarum S. Augustini.

Translata fuit alia Indulg. plen. perp. ab Innoc. XI. Const. ed. 1678. Mar. 4. Pont. 2. Et a Clem. XI. Const. ed. 1706. Jan. 21. Pont. 6. concessa fuit similis Indulgen. Ecclesiis Canon. Regul. S. Rufi dicti Ordinis.

Dat. 29. Nov. 1690. An. 2.

ALEXANDER PAPA VIII.

Ad perpetuam rei memoriam.

Exordium.

Redemptoris, & D. Nostri Jesu Christi qui gloriosos saluberrimorum, quae nobis reliquit exemplorum Sectatores altis decoravit honoribus, & caelestis beatitudinis confortes effecit, vices licet immeriti gerentes in terris spiritualium munerum Thefauros, quorum Nobis credita est dispensatio libenter erogamus, sicut ad excitandam, & fovendam erga eosdem Beatos Caeli incolas fidelium devotionem salubriter expedire in Domino arbitramur.

SS. albo adscriptus fuit S. Joannes ab hoc Pontificis.

§. 1. Cum itaque Nos nuper ad honorem SS. mae, & individuae Trinitatis, ad exaltationem Catholicae Fidei, & Christianae Religionis incrementum de Venerabilium Fratrum S. R. E. Cardinalium, ac Patriarcharum, Archiepiscoporum, & Episcoporum in Alma Urbe nostra tunc existentium consilio, Beatum Joannem a Sancto Facundo Ordinis Fratrum Eremitarum S. Augustini professorem, auctoritate Nobis a D. tradita Sanctum esse decreverimus, & diffiniverimus, illumque Sanctorum Catalogo solemni ritu adscripserimus: hinc est quod nos ad augendam fidelium religionem, & Animarum salutem caelestibus Ecclesiae Thefauris pia charitate intenti, ac de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianis vere poenitentibus, & Confessis, ac Sacra Communionem refectis, qui aliquam ex Ecclesiis quarumcumque Confraternitatum, Monasteriorum, & Domorum Regularium, tam Fratrum, quam Monialium Ordinis praefati hactenus erectis, & in posterum quodcumque erigendis, & ubicumque locorum existentibus die 22. Junii Festo ejusdem S. Joannis a S. Facundo a primis Vesperis usque ad occasum solis Festi hujusmodi singulis annis devote visitaverint, & ibi pro Christianorum Principum concordia, haereseum extirpatione, ac Sanctae Matris Ecclesiae exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Praesentibus perpetuis futuris temporibus valituris.

Concessio Indulgentiae visitantibus Ecclesias dicti Ordinis.

Clausula.

§. 2. Volumus autem, ut ipsarum praesentium Literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides habeatur, quae haberetur ipsis praesentibus, si forent exhibitae, vel ostensa.

Datum Romae apud S. Mariam Majorem sub Anno Pisc. die XXIX. Novemb. MDCXC. Pontificatus Nostri Anno Secundo.

XXVII.

Confirmatur particula Constitutionum FF. Min. Conventualium circa familiam Conventus XII. Apostolorum de Urbe.

Confirmata fuere quaedam Decreta Cap. Gen. Const. ed. 1690. Apr. 5. Pont. 1., & Inn. XII. ed. 1696. Jan. 20. Pont. 5., alia nonnulla Generales.

Bullarii Rom. Contin. Pars VI.

ALEXANDER PAPA VIII.

Ad perpetuam rei memoriam.

Dat. 6. Dec. 1690. An. 2.

CUM (sicut accepimus) per Constitutiones Urbanas nuncupatas Ordinis Fratrum Minorum S. Francisci Conventualium nuncupatorum a fel. rec. Urbano PP. VIII. praedecessore nostro confirmatas inter alia in caput sextum Regulae ejusdem S. Francisci Tit. 6., cujus est haec inscriptio - De Conventu Sanctorum Duodecim Apostolorum de Urbe - dispositum reperiat in hac verba - Romanus Sanctorum duodecim Apostolorum Conventus peculiari providentia, Sanctae Reformationis disciplina, Sacrorum studiorum propagatione, divinarum rerum obsequio, ac temporalis administrationis cura, quam diligentissime regendus est, statuimus propterea, ut ex quibuscumque, tam ultra, quam citra Montes Provinciae Patres, & Fratres, qui vitae integritate, morum compositione, ac sapientia inter ceteros conspicui sint, ibi de familia collocentur; sint tamen ad Superiorum arbitrium amovibiles; inutiles vero Fratres a Generali Ministro omnino removeantur. Sint vero ea vitae innocentia, eaque puritate conspicui, ut nec Pralaturas ambitiose praeventiois titulo, nec aliud quidpiam, quod Religiosos viros dedecet, ullo pacto perquirere, vel attentare praesumant. Praemissa vero tamen saluberrime fuerint instituta, & ordinata consilio, nihilominus non ita exacte, & accurate, ut par est observentur: Hinc est quod Nos eadem praemissa prospero, felicique dicti Conventus regimini, & gubernio apprime conducibilia esse, & fore considerantes, ac proinde perpetuo illorum robori, & inviolabili observationi, & ne ea in posterum ullo modo convelli, vel labefactari possint, pro commissa Nobis caelitus Pastoralis Officii cura praecidere cupientes, Motu proprio, ac ex certa scientia, & matura deliberatione nostris, deque Apostolicae potestatis plenitudine, eadem praemissa ex memoratis Constitutionibus excerpta tenore praesentium perpetuo confirmamus, & approbamus, illisque inviolabilis Apostolicae firmitatis robor adjicimus, ac ea omnia, & singula ab illis, ad quos spectat, & pro tempore quodcumque spectabit, inviolabiliter, & inconcussa de cetero observari mandamus, & praecipimus, illaque adversus quemcumque non usum, seu contrarium usum, qui quovis modo praetendi, vel allegari possit, restituiamus, & plenarie reintegramus.

Particula Constitutionum.

Causa Confirmationis.

Confirmatio d. particulae motu proprio edita.

Clausula.

§. 1. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit, plenissime suffragari, nec de subreptionis, vel obreptionis, aut nullitatis vitio, seu interesse habentium consensus, aliove quolibet etiam quantumvis magno, & substantiali defectu notari, impugnari, infringi, retractari, seu ad terminos juris reduci, vel in controversiam vocari, aut adversus illas aperiitionis oris, restitutionis in integrum, aliudve quodcumque juris, facti, vel gratiae remedium intentari, vel impetrari, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare posse.

§. 2. Sicque, & non aliter in praemissis per quodcumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, & alios quoslibet quacumque praeminentia, & potestate fungentes, & fungendos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Nec ipsis praesentibus literis unquam derogari posse, aut derogatum censei per quascumque Literas